

ایونٹنگ گو جری نیوز بلیٹن مورخہ 10 اکتوبر 2024

\*\*\*\*\*

یوہ آکا شوانی جموں ہے عبدالرحمن شاہین تے محمد مبارک ماہرتیں خبر سنو۔ پہلاں خاص خاص خبر۔

\*\*\*\*\*

\*1- وزیر اعظم نریندر مودی لاؤ پی ڈی آر گا اپنا 2 روزہ دورہ ور اج بعد دوپہر پیشی ویلے وینٹین پُج گیا ہیں۔

\*2- بھارتیہ چناؤ کمیشن غی طرفوں جموں کشمیر تے ہر یانہ تیں نافض مثالی ضابطہ اخلاق نانہ ہٹا دتو گیو ہے۔

\*3- عمر عبداللہ نانہ نیشنل کانفرنس قانون ساز پارٹی غو چیرمین چنیو گیو ہے۔ جہیڑا کہ ہن جموں کشمیر غا اگلا وزیر اعلیٰ بنن جا رہیا ہیں۔

\*4- تے چیف سیکریٹری اتل ٹلو نے پورا بھارت واسطے اک لمبی سائیکل دوڑ نانہ سرینگر تیں ہری جھنڈی دس غے روانہ کیو ہے۔

\*\*\*\*\*

خبریں غی تفصیل نال پہلاں عبدالرحمن شاہین۔

## PM LAOS

وزیر اعظم نریندر مودی اج بعد دوپہر پیشی ویلے وینٹین لاؤ اپنا 2 روزہ دورہ ور ات پُج گیا ہیں۔ وزیر اعظم غو یوہ دورہ بھارت غا آسیان ملکاں سنگ تعلقات مزید مضبوط کرے گو۔ وزیر اعظم مودی غا ات پُجن ور لاؤ گا داخلی معاملات بارے وزیر پی ڈی آر ویلا یونگ بوداخم نے ان غو سواگت کیو ہے۔ ہوٹل مانہ فر اس ملک مانہ رہ رہیا بھارتی افراد نے ان غو خیر مقدم کیو۔ بعد مانہ جناب مودی نے لاؤ غی رامائین فلک فلم یاہ فرہ لاک فرہ رام غو مشاہدو کیو۔ اج اپنا دورہ غے پہلے روز وزیر اعظم جناب مودی 21 ویں آسیان بھارت سربراہ کانفرنس مانہ شرکت کرینگا۔ اس دوران وے آسیان غا ممبر ملکاں تے اس اجلاس مانہ شرکت کرن آلا ملکاں سنگ دو طرفہ میٹنگ وی کرینگا۔ وے اپنا دورہ غے دوران وینٹین مانہ 19 ویں مشرقی ایشیا سربراہ کانفرنس مانہ وی شرکت کرینگا۔ اپنا دورہ ور روانہ ہون تیں پہلاں غا بیان مانہ وزیر اعظم نے بھارت غا ایکٹ ایسٹ پالیسی غی اہمیت نانہ اُجاگر کیو۔ انہاں نے کہیو جے وے اہمیت غا حامل جامع شراکت داری غی پیش رفت غو جائزولین اور باہمی تعاون غا مستقبل غی سمت غو تعین کرن مانہ آسیان رہنماواں سنگ شامل وینگا۔ جناب مودی نے کہیو کہ مشرق ایشیا سربراہ اجلاس بھارت بحر الکاہل خطہ مانہ امن استحکام اور خوشحالی نانہ درپیش للکاراں بارے بات چیت غو اک موقعو فراہم کرے گی۔ وزیر اعظم نے کہیو جے لاؤ پی ڈی آر سمیت اس خطہ سنگ بھارت غا قریبی، ثقافتی اور تہذیبی رشتہ ہیں۔ جہیڑا بدھ مت اور رامائین غا مشترکہ ورثہ تیں مالا مال ہیں۔ جناب مودی نے کہیو جے باہمی تعلقات نانہ مزید مستحکم کرن واسطے لاؤ پی ڈی آر غی قیادت سنگ اپنی ملاقاتاں غا متمنی ہیں۔ جناب مودی نے اس اعتماد غو اظہار کیو جے ان گا اس دورہ سنگ آسیان ممالک نال تعلقات مزید گہرہ ہو جائیگا۔ مہارا نامہ نگار نے دسیو ہے جے آسیان بھارت سربراہ اجلاس مانہ جامع حکمت عملی

شراکت داری غے ذریعے بھارت آسیان تعلقات غی پیش رفت غو جائز و لیو جا ئے گو۔ اور تعاون غی مستقبل غی سمت غو تئیں کیو جا ئے جا ئے گو۔ مشرقی ایشیا سربراہ اجلاس رہنماواں غی قیادت آلو اک اہم فورم ہے۔ جس نے خطہ مانہہ اہمیت غا حامل اعتماد غا ماحول نانہہ تشکیل دین مانہہ تعاون دتو ہے۔ اور بھارت سمیت شرکت کرن آلا ممالک غا رہنماواں واسطے علاقائی اہمیت غا حامل امور و خیالات غا تبادلہ غو اک موقعو فراہم کیو ہے۔

\*\*\*\*\*

## MCC JK

بھارتیہ چناؤ کمیشن غو کہنو ہے جے جموں کشمیر تے ہریانہ مانہہ مثالی ضابطہ اخلاق یعنی ماڈل کوڈ آف کنڈیکٹ نانہہ ہٹادتو گیو ہے۔ مذکورہ چناؤ کمیشن نے ریاست نانہہ ہدائیت دتی جے مثالی ضابطہ اخلاق غی شیک چناؤ کمیشن غے ذریعے انتخابی ترتیب گا اعلان تک نافذ رہیں گی اور انتخابی عمل غا پورا ہون تک لاگو رہیں گی۔ ہُن جد کہ ریاست ہریانہ تے جموں کشمیر یوٹی غی قانون ساز اسمبلیاں غا عام انتخابات گا نتیجاں غو اعلان متعلقہ ریٹرننگ افسراں نے کر دتو ہے تے اس واسطے ہُن مثالی ضابطہ اخلاق فوری ہٹ گیو ہے۔

\*\*\*\*\*

## CEO LG

جموں کشمیر غا اعلیٰ چناؤ افسر پی کے پولے نے بھارتیہ چناؤ کمیشن غا پرنسپل سیکریٹری پرمود شرما، مخصوص سیکریٹری منظور احمد بھٹ تے جوائنٹ اعلیٰ چناؤ افسر انل سلگوترہ غے نال اج جموں کشمیر غا لیفٹنٹ گورنر منوج سنہا سنگ راج بھون سرینگر مانہہ ملاقات کی ہے۔ بھارتیہ چناؤ کمیشن غی طرفوں جا ری کر دہ نوٹیفیکیشن غی اک کا پی عوامی نمائندگی ایکٹ 1951 گا دفعہ 73 غے تحت انتخابات تیں بعد جموں کشمیر غا قانون ساز اسمبلی مانہہ منتخب کیا گیا اراکین غا ناں اُنکی طرفوں لیفٹنٹ گورنر نانہہ پیش کیا گیا۔ لیفٹنٹ گورنر نے جموں کشمیر غا اعلیٰ چناؤ افسر پی کے پولے نانہہ جموں کشمیر یوٹی مانہہ انتخابی عمل مانہہ کامیابی سنگ پورا ہون و مبارکباد دتی۔ اُن نے پُر امن شفاف، آزادانہ تے منصفانہ انتخابات نانہہ کامیابی نال مکمل کرن غا سلسلہ مانہہ چناؤ افسراں، جموں کشمیر پولیس تے حفاظتی اہلکاراں غا جتناں غی وی تعریف کی۔

\*\*\*\*\*

## NC LP

نیشنل کا نفرنس غا صدر ڈاکٹر فاروق عبداللہ نے اج کہیو ہے جے اج قانون ساز پارٹی غی میٹنگ مانہہ عمر عبداللہ نانہہ قانون ساز پارٹی گو چیرمین چُنیو گیو ہے۔ جس غو مطلب ہے جے عمر عبداللہ پارٹی غو وزیر اعلیٰ غو امید وار ہے۔ ہُن عمر عبداللہ نے کانگریس جماعت تیں حمایتی خط حاصل کرنو ہے۔ تے فر قانون ساز اسمبلی غا 49 ممبراں سنگ حکومت بنان با رے لیفٹنٹ گورنر منوج سنہا سنگ ملاقات کر غے نوی حکومت بنان غو اپنو دعوؤ پیش کرینگا۔ اسے دوران نیشنل کانگریس اتحاد بار غے روز تک حکومت سازی با رے اپنو دعوؤ پیش کرے گو۔ نیشنل کانگریس غا لیڈر نے کہیو ہے جے پلک کا کانگریس جماعت غی میٹنگ ہے۔ تے فر پہلاں اُن غی حمایت حاصل کی جا ئے۔ اُنہاں نے کہیو ہے جے میٹنگ غے دوران جموں کشمیر قانون ساز اسمبلی واسطے چُنیا گیا تمام نواں ممبراں نے یوہ عزم اور عہد کیو ہے۔ جے وے اک جُٹ ہو غے لوکاں غی بھلائی بہتری با

رے کم کرینگا۔ جنہاں نے حالیہ انتخابات غے دوران نیشنل کا نفرنس نانہہ اکثریت سنگ جتایو ہے۔

\*\*\*\*\*

## Ladakh By Poll

لداخ مانہہ سابق قانون ساز کونسل کا رُکن تے جموں کشمیر نیشنل کا نفرنس غا منیا پڑمنیا رہنما آغا سید احمد رضوی نے تھانگڈمبور حلقہ لداخ پہاڑی کو نسل کرگل غا ضمنی انتخابات مانہہ کامیابی حاصل کی ہے۔ کل 2 ہزار 2 سو 1 درست ووٹاں غی گنتری کی گئی۔ گنتری تیں بعد جموں کشمیر نیشنل کا نفرنس غا امید وار سید احمد رضوی نے 1 ہزار 3 سو 95 ووٹ حاصل کیا تے آزاد امید وار محمد جواد نانہہ 7 سو 88 ووٹ لیا۔ جد کہ نوٹا غا کھاتہ مانہہ 17 ووٹ گیا۔ چناؤ انتظامیہ نے 5 اکتوبر 2024 نانہہ لداخ پہاڑی کونسل غا 21 تھانگڈمبور حلقہ مانہہ ضمنی انتخابات غو انعقاد کیو تھو۔ جس مانہہ 75 عشاریہ 52 فیصد ووٹ کھلیا گیا۔

\*\*\*\*\*

## Govt Tax Devolution

مرکزی سرکار نے اج ریاستی سرکاراں نانہہ اک لکھ 78 ہزار کروڑ روپیاں غی مالیت تیں اوپر محصول منتقلی غی رقم واگذر کی۔ وزارت خزانہ غے مطابق اک پیشگی قسط آن آلا تھواری موسم نانہہ دیکھتاں واں ریاستاں نانہہ اس اہل بنان غا سلسلہ مانہہ جاری کی گئی ہے کہ وے سرمایہ غا خرچاں نانہہ تیز کر سکیں اور اپنا ترقیاتی تیہلائی بہتری بارے خرچاں غی مالی امداد کر سکیں۔ اس سلسلہ مانہہ ریاست اتر پردیش نانہہ 31 ہزار 9 سو 62 کروڑ روپیاں غی محصول منتقلی غو سب تیں بڑو حصو ليو ہے۔ اس تیں بعد ریاست بہار تے مدھیہ پردیش غو نمبر آوے۔

\*\*\*\*\*

یہ خبر تم آکاشوانی جموں تیں سن رہیا ہیں خبراں گا باقی حصہ نال محمد مبارک ماہر۔

## CS Cycle Race

جموں کشمیر گا چیف سیکریٹری اتل ڈلو نے اج سائیکل دوڑ غا دوجا مرحلہ نانہہ جھنڈی دس غے روانہ کیو۔ جس مانہہ مُلک پھر تیں مُچ سارا شراکتداراں تیں علا وہ کُجھ عالمی سائیکل سواراں نے وی حصو ليو۔ نامہ نگاراں سنگ گل کرتاں واں چیف سیکریٹری اتل ڈلو نے کہیو کہ اج سرینگر تیں کنیا کماری تک سائیکل دوڑ غو دوجو مرحلو ہے۔ اس تقریب مانہہ سائیکل سواراں غی بڑی تعداد نے حصو ليو ہے۔ چیف سیکریٹری نے کہیو کہ ہم اگلے سال اسنانہہ سالانہ تقریب بنان بارے پُر امید ہاں۔ اُن نے کہیو کہ آتے بہرے تقریب مانہہ ہور عالمی سائیکل سواراں غی شرکت متوقع ہے۔ امداد بارے پوچھا جان ور اُن نے کہیو کہ جموں کشمیر انتظامیہ سائیکل سواراں نانہہ جد توڑی وے جموں کشمیر غا علاقہ مانہہ ہر ممکن مدد فراہم کرے گی۔ اک واری جد وے اس علاقہ وچوں نکل جا ئیں گا تے انہاں نانہہ دوجی ریاستاں مانہہ وی امداد لے گی۔ اُن نے کہیو کہ کشمیر مانہہ مُچ ساری اسطرح غی تقریب ہو چکی ہیں تے ہور وی ہون آلی ہیں۔ اُن نے دسیو جے 20 اکتوبر نانہہ کشمیر میراتھن غی اک بڑی تقریب وے گی جس مانہہ 2 ہزار تیں متا شراکت داراں غی توقعہ ہے۔

\*\*\*\*\*

مرکزی وزیر داخلہ امت شاہ نے ملک مانہہ صنعتاں نانہہ کہیو ہے جے وے اپنا پیمانہ تے ناپ نانہہ بدھاویں۔ اج نوی دہلی مانہہ صنعت و تجارت غا پی ایچ ڈی چیمبر غا 119 واں سالانہ اجلاس سنگ خطاب کرتاں واں جناب امت شاہ نے کہیو ہے کہ کمپنیاں بڑا بڑا خواب رکھیں تے انہاں نانہہ بین القوامی سطح وں آنو وے گو۔ انہاں نے کہیو ہے ان خواباں نانہہ پوراں کرن بارے صنعت و تجارت نانہہ اکھٹاں مل گے کم کرنو وے گو۔ وزیر موصوف نے کہیو ہے حکومت نے تقریباً 2 ہزار پرانا تے فرسودہ نوآبادیاتی قوانین ہٹایاں۔ کمپنیاں ایکٹ نانہہ جراثیمی جرمانہ تیں آسان بناتاں واں کوئی 39 ہزار کمپنیاں نانہہ آسان سہولیات مہیا کروائی ہیں۔ انہاں نے کہیو ہے وزیر اعظم جناب نریندر مو دی اگلا 25 بہراں گے دوران بھارت نانہہ ہر سیکٹر مانہہ لیڈر بنان بارے نظریو، تجربو تے عزم رکھیں۔ وزیر داخلہ نے کہیو ہے پوری دُنیا غو بحران ہے مگر وزیر اعظم جناب نریندر مو دی نے بطور وزیر اعلیٰ تے فر بطور وزیر اعظم جمہوری طور لوکاں غو بھروسو جتیو ہے۔ کیونجے پائیداری تیں بغیر پالیسیاں نانہہ موثر طریقہ نال نہیں عملايو جا سکتو۔ جناب امت شاہ نے بھارت غا صنعت کار تے انسان دوست شخصیت رتن ٹاٹا نانہہ خراج عقیدت پیش کرتاں واں کہیو ہے اُن غی کل وفات ہو گئی ہے۔ تے انہاں نے بھارتیہ صنعت مانہہ اک اہم رول ادا کیو تے انہاں نے نہ صرف بھارت مانہہ بلکہ پوری عالمی دُنیا مانہہ اک عزت دار صنعت کار غے طور جانیو جائے تھو۔

\*\*\*\*\*

## Tele Manas

صحت تے خاندانی بھلائی بہتری غی وزارت نے اج نوی دہلی مانہہ ذہنی صحت غا عالمی تہاڑا غا موقع وں ٹیلی مانس ایپ اور ویڈیو کال غی سہولت شروع کی ہے۔ تقریب غے دوران عالمی صحت تنظیم ڈبلیو ایچ او ٹیلی مانس غی تشخیصی رپورٹ تے ملازماں با رے اپنو دھیان رکھنو، ماڈیول غی وی شروعات کی گئی۔ اس بہرے ذہنی صحت تہاڑا غو موضوع ”کم مانہہ دماغی صحت ہے“ جہیڑو ذہنی صحت اور کم غی جگہ غے بشکار اہم تعلق نانہہ اُجاگر کرے۔ وزارت نے ٹیلی مانس امداد رابطہ گا 2 بہراں غو جشن وی منایو۔ اس موقعہ وں مذکورہ وزارت غا ایڈیشنل سیکریٹری ارادھنا پٹنایک نے کم غی جگہ وں ذہنی پریشانی سنگ نمڑن بارے حل غی لوڑ وں لو کہلتاں واں کہیو کہ کم غی جگہ ذہنی پریشانی تیں بچن واسطے کم تے زندگی غو توازن اہم کردار ادا کر سکے۔ کیونجے یوہ نہ صرف کسی بندہ غا مستقبل واسطے بُرو وے بلکہ ذاتی زندگی نانہہ وی متاثر کرے۔ ٹیلی مانس وں گل کرتاں واں موصوف نے کہیو ہے یوہ سرکار غو انقلابی قدم ہے جہیڑو تیزی نال بدھ رہیو ہے۔ اس تقریب مانہہ عالمی صحت ادارہ غا بھارت غا نمائندہ ڈاکٹر روڈیرکو ایچ آفرین نے کہیو کہ اندازہ غے مطابق دُنیا غی 60 فیصدی آبادی کسے نہ کسے شکل مانہہ ذہنی پریشانی گو شکار ہے۔ انہاں نے کہیو کہ ذہنی صحت غی پریشانی اک بدھتی وی تکلیف غا طور وں باندے آئی ہے۔

\*\*\*\*\*

## WMHD Udh

ملک غا دوجا حصاں غی طرح دماغی صحت با رے عالمی تہاڑا گا موضوع یوہ ویلو ہے کہ کم غی جگہ وں ذہنی صحت نانہہ ترجیح دتی جائے۔ ضلع اُدھم پور غا لوکاں نے سرکاری طبی کالج اُدھم پور مانہہ منایو۔ اس موقعہ وں ڈاکٹراں، طبی عملہ، تے غیر سرکاری

تنظیمان نے اک ریلی کڈی جھیڑی بازار غا بکھ بکھ جگہاں وروں لنگ غے واپس جی ایم سی اُدھم پور مانہ موکلی۔ اس موقعہ و ر خطاب کرتاں و ان شعبہ غا سربراہ ڈاکٹر حامد نے لوکاں نانہ ذہنی تندرستی غی اہمیت بارے دسیو بہالیو۔ اس موقعہ و ر بولتاں و ان نے اس طرح کہیو۔۔۔ بائٹ۔۔۔

\*\*\*\*\*

## Bankers Meet Poonch

ضلع ترقیاتی کمشنر پونچھ وکاس کنڈل جھیڑا ضلع سطح غی جائزہ کمیٹی گا سربراہ وی ہیں نے اج داک بنگلو پونچھ غا کا نفرنس ہال مانہ جون 2024 مانہ مکن آلی پہلی سہ ماہی غا سلسلہ مانہ بینکاں غی کا رکردگی بارے جائزہ لین خاطر اک بیٹھک غی صدارت کی۔ ضلع ترقیات کمشنر نے سارا بینکاں نانہ ہدائیت کی ہے وے بیماری بارے معاملات نانہ تاواں تے ترجیح غا طور و ر نمڑین تے امدادی شعبہ نانہ وی ہدایت دتی ہے وے معاملات نانہ مناسب طریقہ سنگ پیش کریں تے معاملات نانہ متعلقہ شاخاں غی خدماتی علاقائی مرکزیاں مانہ جمع کراویں تے متی کفالتاں تیں پرہیز کریں۔ اس سلسلہ مانہ بولتاں و ان نے اس طرح کہیو۔۔۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔